

A SU MISSIONARIU CRISTIANU

Dendha s'adiu a sa vida mundhana,
Su Rughefissu in su pettus ti pones:
andhas'a terra incognita e lontana
in mesu e tantas barbaras personnes,
ue sunt tantas sas religiones
pagu connotta b'est sa Cristiana.
Tue però connoschere bi lis faghes,
mancari cun su sambene chi paghes.

E no est pro inari e pro onores,
si faghes in su mundhu tentu inghiriu
ca est pro sanare sos dolores
de cuesta umanidade, su deliriu;
ca boltas ricumpenseat sos favores
dendhedi morte, presone o martiriu.

Ma tottu assettas e non t'ispaventas
moris o suffris e non ti lamentas.

Sa nostra zivilta de ch'est Latina
portas in mesu de cussos paganos;
lis preignas de Cristos sa dotrina
sient mongolos, negros, africanos;
cun d'una sapienzia divina,
ndhe formas de sos veros Cristianos.
Arrivadu a s'iscopu, ti cuntentas
de ider tantas animas redentas.

Cantos lebbrosos in su lebbrosariu
curas de tantas fatidas piagas.

Si tue infermieri volontariu
su contributu cun sa vida pagas;
non solu est sentimentu umanitariu
est'amore pro Cristos, chi l'appagas
tantu amore sentidu a tottu prou,
riversendhelu in su prossimu tou.

E candho contagiadu e maladia
in lontana e diversa latitudine;
non solu s'es, chi has'in cumpagnia
su desertu e s'umana ingratitudine;
non pensas forsi a sa terra nadia
abbandhonadu in tanta solitudine?
Bi pensas si, e has sa visione
ch'est' a fine sa tua Missione.

Ma pensas puru, pregas e isperas,
oh'in su Mundhu diventest tottu bravos, (Mundhu)
iscomparant confines, barrieras,
oppressos, oppressores, ischiavos,
e fraternizzes cun bonas manieras,
sos populos Latinos, sos Islavos;
e diventest s'intera razza umana
una sola Familia Cristiana.

Pro te sunt custos versos caru
frade,

Martire, Eroe pro s'umanidade.

Sotofiu Autoniu
Viol Humberto

Perfugafas.